

الشوق للجنة | الشيخ محمد خيرى سلسلة من غيب لشهادة

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل. واشهد ان لا اله الا الله وحده لا شريك له
واشهد ان محمدا عبده ورسوله. وبعد - [00:00:01](#)
ونسأل الله سبحانه وتعالى ان يدخلنا واياكم الجنة بغير حساب ولا عذاب. ويمن علي وعليكم بحسن عمل وحسن ختام وفق ابن القيم
عندما سمى كتابه الذي يتكلم عن الجنة ارض الافراح - [00:00:18](#)
فعلا لانك لن تستطيع ان تنام ولن تستطيع ان يهدأ لك بال فاسأل الله سبحانه وتعالى ان يرزقنا واياكم الفردوس الاعلى ويدخلنا هذه
الافراح اليوم سبحانه الله كنت ناوي اتكلم عن - [00:00:38](#)
شيء ولكن بدا لي ان اليوم الجمعة فقلت اتكلم عن نعيم من نعيم يوم الجمعة واتكلم عن يعني اطلالة سريعة عن الجنة كفهرس عام
واتكلم عن نعيم خاص من نعيم يوم الجمعة - [00:00:57](#)
واسأل الله سبحانه وتعالى ان يسد لنا واياكم كان ابو هريرة في يوم من الايام آآ مع سعيد ابن المسيب فيقول له ايه فيقول له اسأل
الله ان يجمع اسأل الله ان يجمع بيني وبينك في سوق الجنة. ياه - [00:01:19](#)
مش بقول لكم ان الصحابة كانوا عايشين تفاصيل تفاصيل الاخرة فيقول له انا نفسي انا وانت ربنا يجمعنا في سوق الجنة زي ابن
عوف لما اخذ دعوة طيبة من عائشة رضي الله عنها لما وجدت انفاقه واهتمامه - [00:01:40](#)
اهتمامه بامهات المؤمنين بعد موت النبي صلى الله عليه وسلم. فكانت تقول سقى الله ابن عوف من سلسبيل الجنة سبحانه الله!
فتختر له نوع معين انه يرزق اياه من الشرب - [00:02:00](#)
آآ ابو هريرة يحب جدا سعيد ابن المسيب. فيقول له ايه؟ اسأل الله ان يجمع بيني وبينك في سوق الجنة يقول النبي صلى الله عليه
وسلم كما في صحيح مسلم - [00:02:17](#)
ان في الجنة لسوقا ان في الجنة لسوقا. فيه في الجنة سوق يأتونها كل جمعة كل يوم كل جمعة بمقدار الجمعة في الدنيا يأتونها هؤلاء
فتهب ريح الشمال فتهب ريح الشمال - [00:02:32](#)
تاني فيقول ان في الجنة لسوقا يأتونها كل جمعة فتهب ريح الشمال ريح كالعرب تعرفها نوع من انواع الريح فيقول النبي فتحتوا في
وجوههم وثيابهم الله اكبر الواحد عم يستحضر بقى كل يوم جمعة - [00:02:58](#)
يتذكر هذا الامر فيزدادون حسنا وجمالا. الملامح بتتغير الملامح تتغير الشكل بيتغير. سبحانه الله فيرجعون الى اهلهم وقد ازدادوا
حسنا وجمالا ياه الله اكبر ده مجرد بس فيه ريح كده يعني ما تعرفش بقى الريح ديت آآ اخبارها ايه؟ عاملة ازاي؟ سبحانه الله! هل
دي كانت عطر؟ هل ده كان آآ - [00:03:20](#)
اه آآ شيء بيغير في البشرة بيغير في يعني بيغير في ايه بالزبط؟ اه سبحانه الله ارزاق بقى. نسأل الله ان يرزقنا يعني ده حاجة عمرك
ما تشوفها في الدنيا - [00:03:55](#)
عمرك ما تشوف حاجة زي كده في الدنيا ان في هوا يعدي عليك بشرتك تتغير شكلك يتغير جلدك يتغير وجهك يزداد تالؤا ولمعانا لا
لا لا سبحانه الله فيقول النبي صلى الله عليه وسلم فيرجعون الى اهلهم وقد ازدادوا حسنا وجمالا - [00:04:08](#)
فيقول لهم اهلهم والله لقد ازددتم بعدنا حسنا وجمالا. فيقولون وانتم والله لقد ازددتم بعدنا حسنا وجمالا سبحانه الله الكل بيتغير
عشان كده من لا يبغون عنها حولا ليه لا يبغون عنها حولا؟ لان من الحاجات المهمة جدا في فهم آآ ان احنا نفهم الجنة وان شاء الله لنا

بازن الله وقفة معها وهو النعيم النفس - 00:04:32

سي النعيم الغير حسي اه النعيم النفسي اللي في الجنة اللي من ضمن النعيم النفسي في الجنة تجدد النعيم تجدد النعيم. سبحان الله! لان النعيم متجدد يعني مش مسألتي انك تألف ليه؟ فميزة الجنة ان النعيم متجدد. لان الانسان بطبيعته الحاجة السابعة - 00:05:04 ممكن يألفها ولزلك احنا في الدنيا نبغي لانه ان يعني نبغي عنها حولا مهما كانت الدنيا حلوة مهما انت كنت ساكن في فيلا معينة في كان امنية حياتك انك تسبب القرية اللي اتولدت فيها - 00:05:28

وتروح فين وتروح المدينة ايه اللي بينك وبينها نص ساعة امتن الله عليك ورحت المدينة ديت. بقى امنية حياتك انك تروح العاصمة نروح عاصمة المحافظة دي رحت العاصمة فاكتشفت انك ما مسكتش حاجة بعد ما قعدت فيها - 00:05:44 بامنية حياتك انك تروح القاهرة التي تقهر من يدخلها فيروح رايح القاهرة وبعد كده يبدأ يقول لك لا انا انا عاوز ايه؟ ابغي عنها حولا. واروح مكان ثاني في المدن الجديدة - 00:06:00

فيبدأ يروح يحاول بقدر الامكان يدور على مدن جديدة يلاقي المدينة جميلة وكويسة ويقول ان دي بقى مدينتي ودي احسن حاجة ودي بلدي وبتاع فيسكن في افضل فيلا في المكان وبعد شوية يفصل. ليه - 00:06:16 هو هيدنه كده لذا لان الدنيا طبعت على ان ان الانسان يملها مهما كانت اتجوز احسن واحدة في الدنيا شكلا لازم هي في الآخر خالص هتلاقه عنده تطلع لحاجة ثانية - 00:06:32

الجنة النعيم فيها متجدد النعيم في الجنة وده احد الحاجات اللي بترغب جدا في الجنة وتحبك جدا في الجنة ان الجنة نعيمها متجدد نعيمها انها اا حسي اا ومعنوي ونفسي فكل انواع النعيم ان شاء الله ربنا يرزقنا ويوفقنا نحاول نوصل ايه جزء يعني - 00:06:48

آا الفرق بين انتم عارفين لو حطيت صابحك في المحيط وبعد طلعت بعد ما بتطلع صابحك من المحيط كده تلاقه خد مية قد ايه؟ من المحيط خد قطرة يعني بالكثير قطرتين - 00:07:11 طالما الانسان اما يبجي يشوف كده بعد يشوف الماية اللي خدها يدوب بلل خفيف نقطة اتنين صح سبحان الله الفرق الفرق بين هذا هذا البلل وهذه النقطة مع المحيط ده كله - 00:07:28

فالفرق بين نعيم الدنيا ونعيم الجنة والامر اعلى لكن احنا بنحاول بقدر الامكان نقرب المسافة ونقرب الصورة. يعني التفاح في الدنيا والتفاح في الآخرة الموز في الدنيا والموز في الآخرة - 00:07:47 كل نعيم الفرق بينه وطبعا انا بتكلم على نعيم انا بتكلم على التفاح مش التفاح المصدي او الايه؟ المضروب اللي انت بتشوفه. لا اعلى درجة نعيم في الدنيا من اللي الصنف ده - 00:08:06

بينه وبين الآخرة نعيم الآخرة هو نعيم الدرجة ديت. فنسأل الله ان يرزقنا فيزدادون حسنا وجمالا. كل واحد يقول للثاني هو انت اتغيرت ولا ايه؟ ايه الجمال ده سبحان الله! بقى بيعرف يتكلم وهي بقى بتعرف تتكلم وبقوا يتكلموا الفاظ كويسة - 00:08:20 يعني في احد الروايات زي ما هيبجي يعني ان هي بقيت بتتكلم وبتقول الفاظ مرحبا واهلا بيحبنا ياه! بيوته ما شاء الله الفاظكم كويسة وبقيتم بتتكلموا مع بعض كويس وبتاع ليه؟ لان الله سبحانه وتعالى اه اه اذهب الغل من الصدور - 00:08:38 وان الله سبحانه وتعالى كساه كسى من يدخل الجنة كسى الفاظه كسى قلبه وكسا كل شيه فيه. فازداد ايه؟ جمالا انا كانهن ان شاء فنسأل الله ان يرزقنا واياكم. طبعا شيخ الاسلام ابن تيمية - 00:08:58

اه بيقول ان من الحديس ده زاهرا ان الرجال راحوا لكن كيف ازداد النساء جمالا؟ يقول هذا لانهم ارضا رأوا الله سبحانه وتعالى يقول فهذا هذا الجمال وهذا الحسن لرؤية النساء لله سبحانه وتعالى - 00:09:15 فرؤيتهن لله جعلت هذا الجمال فيقول فقد يرى الرجال في السوق ولكن هم يرون الله سبحانه وتعالى في اماكنهم فنسأل الله ان يسدنا واياكم ويرحم شيخ الاسلام ابن تيمية آا ابو سعيد - 00:09:35 لما سمع ابو هريرة بيقول له كده قال وفيها سوق ايه ده هو الجنة فيها سوق قال نعم اخبرني رسول الله صلى الله عليه وسلم.

اخبرني رسول الله ان اهل الجنة اذا دخلوها نزلوا فيها بفضل اعمالهم - 00:09:56

فيؤذن لهم في مقدار يوم الجمعة من ايام الدنيا. فيزورون الله جل جلاله ويبرز لهم عرشه سبحانه وتعالى ويتبدى لهم في روضة من رياض الجنة فيوضع لهم منابر من نور - 00:10:15

ومنابر من لؤلؤ ومنابر من ياقوت ومنابر من زبورجت زبرجت بفتح الجيم عذرة. لكن شوفوا سبحان الله كل واحد عنده قاعد في مكان مختلف تماما عن الثاني صح؟ كل واحد زي ما بداية الحديث بفضل اعماله - 00:10:36

طيب وفي ناس قاعدة شف ومنابر من ذهب ومنابر من فضة. وبعدين يقول ويجلس ادناهم وما فيهم دني على كئبان المسك ياه. بيقول اقل واحد ده اللي واقف عليه كوم من المسك كده - 00:10:58

على كئبان المسك والكافور ما يرون ان اصحاب الكراسي افضل منهم مجلسا. ما فيش بقى الغل ده واحنا قلنا اتفقنا ان هو ايه اتشال خلاص سبحان الله وابدأ بقى في احد الروايات يقول سلوني الله سبحانه وتعالى هنتكلم معه ان شاء الله عن هذا الامر في حديث

الرؤيا باستفاضة اكثر لكن يقول لهم سالوني حتى تنقطع - 00:11:13

رغبة. يعني كلهم كل واحد يقول حاجة لغاية ما فيش حد ما فيش حاجة ثاني هقولها. هقول ايه سبحان الله مش لاقيين حاجة

يقولوها فنسأل الله سبحانه وتعالى ان يسد لنا ويرزقنا واياكم من فضله - 00:11:39

كلما عن اه خروج الناس بعد خمسين الف سنة من قبره حشر وتسلم كتب وصراط والحوض آآ والقنطرة خلاص بقى هيبدأوا سبحان الله يدخلوا دار بناها الله بيده سبحانه وتعالى - 00:11:54

فهنشوف الجنة دي فيها ايه ماذا اعداها الله سبحانه وتعالى لمن ترك شيئا له سبحانه وتعالى طيب اول ما الناس تدخل الجنة ماذا

سيرون هو ازاى هيخشوا النبي صلى الله عليه وسلم يخبرنا ان الناس هتدخل الجنة سنها ثلاثة وتلاتين سنة - 00:12:17

سن الشباب وهذا سن عيسى سن القوة وحتى يستمتعوا بكل لذات الجنة فتلاتة وتلاتين سنة على صورة ابيهم ادم القلب بتاعهم على

قلب من؟ على قلب ايوب. ياه! تخيلوا بقى جمال الرضا والجمال كله والسكينة والطمأنينة اللي هتكون لاهل الجنة - 00:12:41

ازا كانوا هيدخلوا بقلب ايوب ولسان محمد صلى الله عليه وسلم. عرفتم ليه بقى ان فيه رجالة ونساء هيقولوا ايه؟ لقد ازددتم بعدنا

جمالا وآآ اهلا ومرحبا بحبنا سبحان الله. هيبدأوا يتكلموا بالسنة كويسة ليه؟ لانهم دخلوا بلسان محمد - 00:13:06

في العفة وجوامعك كلام النبي صلى الله عليه وسلم وآآ رحمته ورأفة النبي صلى الله عليه وسلم كل هذا الامر سبحان الله. وهيدخلوا

مرضى مرضي ده اللي هو جمع امراض من لا شعر على ذقنه خلاص. لان الجنة مش دار تكليف - 00:13:26

وكنا في الدنيا الله سبحانه وتعالى رغب وامر الرجال ان يزينوا وجوههم باللحى بامر النبي صلى الله عليه وسلم وامرنا بالاقتداء

بالانبياء فبهدهم اقتضى وهارون بيقول لموسى لا تأخذ بلحيتي. فكان ايه؟ اهل الاقتداء بالانبياء يطلقون ويتسننون بهدي النبي

صلى الله - 00:13:49

الله عليه وسلم ويدخلوا برضه آآ كل واحد هيدخل اجره يعني لا شعر على جسده تلاقي بقى احيانا كده بعض الشباب عاوز يشيل

الشعر اللي على دراعه والشعر اللي مش عارف على ايده والكلام ده سبحان الله - 00:14:13

كل ده من باب التجميل وتحسين الصورة. يدخلوا جماعات ما فيش حد داخل لوحده الا الاوائل اللي على البشرية زي ابو بكر وكده

لكن في المجمل كله داخل جماعات زمراء - 00:14:31

اول زمرة تدخل الجنة تكلمنا عنها النبي صلى الله عليه وسلم اخبرنا منها. واول من يدخل الجنة النبي صلى الله عليه وسلم يجي بقى

المؤمنين اول ما يخشوا هيقولوا ايه؟ احنا بنتكلم في فهرس عام تصور عام عن الجنة كلها وبعد كده هنمسك نعيم نعيم وناخذ راحتنا

فيه ان شاء الله - 00:14:46

اول ما يخشوا يقولوا ايه؟ وقالوا الحمد لله الذي اذهب عنا الحزن ويقولوا الحمد لله الذي هدانا لهذا وما كنا لنهتدي لولا من هدانا

واخر دعواهم ان الحمد لله بعد ما قالوا الحمد لله الذي اذهب عنا الحزن وقالوا وما كنا لنهتدي لولا ان هدانا الله وقالوا قالوا الحمد لله

نسأل الله ان يرزقنا مسل - 00:15:03

اهذه المقولات يبدأوا يخشوا ويشوفوا الجنة الابواب اتكلما ان الابواب مساحتها عاملة ازاى وان هم ثمانية ابواب. والابواب دي مين هيخش فيها ان شاء الله هنتكلم فيها بالتفصيل اكثر ومفتحة - [00:15:32](#)

اه ما بين مصراعي الباب اربعين سنة. الله اكبر. طيب اول ما تخش الباب ده الجنة فيها درجات. زي كده فيه بقى اسانسير صعود فيه ادوار سبحان الله! الدرجات دي قد ايه؟ مائة درجة - [00:15:45](#)

ولكل درجات مما عملوا. كله هيدخل الجنة بفضل الله ورحمته لكن الدرجات بعدله سبحانه وتعالى. العدل بقى مع الله سبحانه وتعالى لن يساوي لن يساوي بين عبد اجتهد وعبد لم يجتهد. ولكن طالما الاتنين ماتوا على الاسلام الاتنين يخشوا الجنة ايه؟ برحمة الله. في النهاية - [00:15:59](#)

كله هيدخل الجنة. لكن الدرجات تكون بالعدل. وبالحسب بقى العمل انسان يشوف الابواب ويلاقى الابواب وبعد ما يخشوا يلاقي الدرجات بقى. ياه! درجتك هتكون فين؟ يا ترى انت هتكون مع مؤمن ال ياسين - [00:16:20](#)

ولا هتكون مع مين يوشع ابن نون ولا هتكون مع هارون ولا هتكون مع مصعب بن عمير ولا هتكون مع مين بالظبط كل واحد بقى قاعد يتفنن انا بحب جدا اختي تقول انا بحب مريم - [00:16:36](#)

واخت بتقول انا بعشق فاطمة بنت محمد واحد تقول انا سبحان الله بيني وبين ام كلثوم يعني ود كده سبحان الله ما اعرفش يعني الله سبحانه وتعالى جعل ام كلثوم ديت تتربع ايه؟ على عرش قلبي - [00:16:48](#)

كل واحدة بقى ايه وعندها كده وفي واحدة تقول ريحانة ديت كانت سبحان الله هم النبي كاد النبي يتزوجها ريحانة دي. فحبيتها من يوم ما عرفت الكلام ده واحدة تقول انا عاوز اكون مع السيدة خديجة. واحدة تقول - [00:17:02](#)

كل واحد بقى يشوف بس الدرجات بتاعته هتكون ايه بقى اخبارها؟ فنسأل الله السلامة. طبعاً ام كلثوم مش اقصد المغنية عافانا الله واياكم. ولكن بنت النبي صلى الله عليه وسلم - [00:17:16](#)

فالابواب شفناها الدرجات طيب يبجي يخش بقى تخيل كده انت داخل الدار داخل هذه الدار دار الافراح بلاد الافراح اول ما تفتح سبحان الله! وتفتح الباب وتشوف تجد الارض. اخبار الارض هي الطوب اللي انت ماشي عليه ده الارض اللي انت ماشي عليها احيانا الواحد بيروح فيلا كده ولا الجنائني لها كده معمولة شوية رخام وشوية طوب كده يعجبه اوي - [00:17:29](#)

لبنة من ذهب ولبنة من فضة. الله اكبر. وملاطها الحاجة اللي ماسكة بينها وبين بعض المسك. ياه! يعني مش طين واسمنت؟ لا لا لا. التراب بتاعها ترابها الزعفران. الله اكبر. حصابؤها اللؤلؤ والمرجان. لؤلؤ ومرجان كده تلاقيه سبحان الله! ده فيه ناس قتلت - [00:17:55](#)

يعني قبائل وقتلت عائلات عشان الحاجات دي سبحان الله! دي الحاجات اللي انت هتمشي عليها. عشان تعرف الدنيا دي كلها هم الناس قتلوا بعض عشان شوية لؤلؤ وشوية مرجان او قيمتهم - [00:18:18](#)

انت هتيجي ده في ملكك ده اللي انت بتمشي عليه الله اكبر وطيب بعد ما تشوفوا الكلام ده تشوف الارض وشفنت الارض كده دماحك وبعض قال لك لأ. ده التراب بتاعه التراب الريحة المسك - [00:18:32](#)

واللون لون الزعفران. يعني الزعفران ده اللون وتراب الرائحة المسك. نسأل الله ان يرزقنا واياكم. وتبدأ تشوف النهار. تلاقي اربع انهار عسى المصفى وتلاقي خمر لذة للشاربين. وتلاقي ماء وتلاقي لبن - [00:18:51](#)

الله اكبر واللبن لا يتغير. احيانا النهاردة لما تيجي تشتري لبن بتقول انا هشتري لأ هاتوا اتنين كيلو ما تجيبش اكثر من كده ليه؟ ما نجيب بقى كثير وكده يقول لك لأ لو - [00:19:11](#)

لو قعد معنا كثير ييوز، صح؟ لأ اللبن هناك لا يتغير طعمه شوف لك تخيل نهر من لبن ودايما اعلى لبن مر على حياتك افتكرك صابحك لما حطيته في المحيط - [00:19:21](#)

النسبة بين الماية اللي انت خدتها وماية المحيط هي النسبة بين اللبن اللي انت تعرفه واللبن الحقيقي. بل اعلى سبحان الله واحنا النهاردة عمالين نيجي نشوف سبحان الله احنا النهاردة لو عايزين نركز اكثر النبي صلى الله عليه وسلم قال ما لا عين رأت ولا -

اذن سمعت ولا خطر على قلب بشر. يعني حتى المسال الي انا بقربه لك ده لأ الجنة اعلى. يعني انا بقول لك حاول تحط صابعك كده وتتخيل لأ اللي انا قلته ده يعني خطر على قلبي صح؟ اما وقد خطر يبقى الموضوع اعلى - [00:19:56](#)

سبحان الله فتلاقي اربع اناهار ونهر الكوثر. الله اكبر. طيب الحور والنساء تشوفوا في عفة النساء قاصرات الطرف نسأل الله سبحانه وتعالى ان يجعل نساء المسلمين بما جمل آآ نساء الجنة - [00:20:14](#)

الجمال الباطن والجمال الظاهر اه في حسن المرأة يسطع نور في الجنة في كده حاجة تنور في الجنة في رفع اهل الجنة رؤوسهم كله ببص حيران ايه ده وبتاع والكلام ده ويقولوا لا لا ما فيش ده واحدة بس بتضحك مع زوجها يعني الله يهديهم - [00:20:35](#)

سبحان الله فالواحد اما يشوف الكلام ده ايه اللي ممكن يعطلك بقى عن طريق ربنا ده ادنى اهل الجنة واعلاهم. اما نيحي نعرف ان شاء الله ونقرأ احاديث ادنى اهل الجنة منزلة. ادنى اهل الجنة منزلة هياخد قد الارض ما يقرب من - [00:20:56](#)

خمسين مرة شف بقى عندك كم قارة في الارض واضرب خمسين في عدد القارات ده ملك اقل واحد. ده بقى اللي هو اللي يعني بمعايير اهل الدنيا اللي ما جابش حاجة خالص - [00:21:15](#)

ده اقل واحد هياخد وبعدين الجنة ممكن تقول لي ايه ياه يعني هياخد قد الارض؟ اه ما هي الارض دي مليانة صحرا ومليانة اماكن كده بقى والربع الخالي مش عارف مسلسل ايه وبتاع ايه والدنيا دي كلها لا لا لا الجنة واذا رأيت ثم رأيت نعيما وملكا يا - [00:21:31](#) الله اكبر اي حاجة عينك تقع عليها خلاص بتنطلق فنسأل الله سبحانه وتعالى ان يرزقنا من هذا النعيم. نسأل الله سبحانه وتعالى ان يجمعنا جميعا ونذكر فاكرين ما كنا قاعدين نتكلم عن الجنة ونذكر بعض بالجنة. هذه الان من غيب الى شهادة رأيناها رأي -

[00:21:51](#)

ادنى اهل اهل الجنة. شوفوا دول دول اما يكونوا ادنى واحد يكون ده ده نعيمه. الشجرة يا جماعة الشجر الشجر سبحان الله وبحمده نخلة في الجنة. الشجر يسير الراكب. واحد راكب - [00:22:15](#)

مائة عام لا يقطعها. مش ميت عام عشان يوصل. لأ النبي صلى الله عليه وسلم يقول لك يمشي ميت سنة وما يجيش ياه سبحان الله! امال الفردوس الاعلى تبقى ايه بقى - [00:22:33](#)

الفردوس الاعلى تبقى ايه؟ ده الراجل يكون لابس سوار سوار كده حاجة كده يكون لابس في ايده يقول النبي صلى الله عليه وسلم لو لو السوار ده زهر بس كده - [00:22:46](#)

يقول النبي لطمس نور الشمس نوره نور خلاص النور قطع عارف كده انت انت في البلاوي انت مسلا الصبح انت بتفتح نور البلكونة عمدان الشوارع بتطفي الصبح صح ليه؟ لان سطع نور النهار - [00:22:59](#)

السوار بتاع حضرتك اللي بتكون لابس في الجنة ده لو طلع على اهل الارض خلاص اطفي الشمس هنعمل ايه بالشمس؟ هنعمل ايه بالقمر؟ هنعمل ايه بالانوار دي كلها؟ خلاص اطفي خلاص سوار الاخ فلان طلع. ياه - [00:23:15](#)

هنتكلم عن الفاكهة تيجي خلاص بقى عاوزين ناكل فاكهة بعض الناس يقول لك اصل انا ما بحبش الرمان. يا حبيب قلبي انت ما بتحبش رمان الدنيا. والنفسية بتاعتك دي بالمناسبة برضو. النفسية دي هتتغير. انا انشأناهن انشاء - [00:23:29](#)

حضرتك يعني مسلا في بعض الاخوات الفاذا صعبة الفاذا صعبة ما بتعرفش تتودد والعكس برضه في رجالة ما بيعرفوش يتكلموا بل عادي جدا ممكن يقولوا لك هي اللي تعتذر والتانية تقول هو اللي يعتذر. اه يعني عندهم كده الفاذا وطريقة لا نريد ان احنا نعكر

الجو احنا بنتكلم على الجنة. دول اما يخشوا الجنة - [00:23:44](#)

ما خلاص بقى الدنيا دي تتزبط لسانك بقى كويس وبقيت بتعرف تعاكس زوجتك في الحلال عربا اترايا بتقدر بقى تعبر عن مشاعرها وخلاص بدأت تتكلم كويس فبرضو نفس الكلام المزاق بتاعك هيختلف. هو انت فاكر ان ان الله سبحانه وتعالى الذي خلقك ويعرف

ضعفك ويعرف ما تشتهي - [00:24:02](#)

ويعرف ما الذي يمتعك؟ وما الذي يسعدك سيجعل في الجنة نعيما آآ تنصرف عنه؟ لا طبعا مستحيل مستحيل سبحان الله يا جماعة

ده ده النبي صلى الله عليه وسلم بيحكى للصحابة - 00:24:23

ان اول حاجة هياكلوها ايه وان الثور الذي سيدبح لهم عشان ياكلوه الان يأكل من الجنة. يعني فيه سور كده بيأكل الان من ورق الجنة
بيعد لك يا عم انت عاوز ايه ؟ تيجي تقول لي اصل انا باحب وما باحبش - 00:24:42

الفاكهة ايه اخبار الفاكهة الفاكهة من كل فاكهة زوجان الحاجة الثانية انك مش محتاج انك تقوم تجيبها. ليه ؟ لانها قطوف قطوفها
دانية وجنى الجنتين دان. هي اللي بتقرب منك ذلت قطوفها تزيلا. ان قام ارتفعت على قدره. زي ما مجاهد بيقول كده - 00:25:02
طيب لو يعني نزل شوية كده وريح هي تنزل له. الله اكبر. ما هو بس الفاكهة في الدنيا هنا يقول لك البطيخ طلع. وبعد شوية يقول
لك البطيخ خلاص ده مش وقت البطيخ ده مش وقت البرتقال ده مش وقت المانجة ده مش وقت المانجا صح ؟ لا لا هناك لا اكلوها دائم ما
فيش ما تنقطعش لا تنقطع - 00:25:28

قطع سبحان الله بس انا احيانا باكل المانجة فهحس ان ايه لو كلت كتير آآ الدكاترة يقولوا لي غلط ولو كلت مش عارف ايه كتير يقول
لي كزا ولو مش لا لا لا خلاص الموضوع ده انتهى. ليه - 00:25:48

قال لك بفاكهة امنين انت امن من حاجات كتير امن ان هي تنقطع وامن ان هي تخلص وامن ان هي البزر بتاعك عارفين بقى الجنة
مانجة والشعر بتاع البزن لما يمस्क في سنانك بقى وخلاص بقى الدنك ايه دا انك نص ساعة تقول ايه انا ايه اللي ورطني في الحنة
دي ؟ لأ خلاص بقى انت امن جدا - 00:26:01

فآآ سبحان الله الواحد اما يعيش العبق كده ويتأملوا بيروح في حنة ثانية خالص طيب الطعام ده هيروح فين لا يبولون لا يتغوطون.
الله اكبر. امال هيخرج من ازاي؟ زي العرق كده. حاجة كده ايه - 00:26:23

بدل ما انت كنت بتحتاج انك تدخل الحمام تصل للخلاء لأ خلاص يخرج منك كده حاجة اشبه بالعرق كرائحة المسك. ما هو لازم يبقى
هو انت ليه بتدخل الحمام ما هو الاكل اللي انت بتاكله في الدنيا ده وطبيعتك الدنيوية لازم تخرج الحاجة دي. لكن حاجة جاية يعني
اللي بياكل فسيخ. ما هو لازم يدخل الحمام - 00:26:46

اللي بياكل الدنيا دي بقى كلها فسيخ ويمكن كمان يعني الفسيخ ده درجة عالية لكن انت في الجنة لأه بقى خلاص فانت مش محتاج
فالله سبحانه وتعالى حتى قوة قوة الاكل القوة نفسها الله سبحانه وتعالى يجعل للانسان يكون له مئة - 00:27:13
الضعف المعهود في الاكل والشرب واتيان الاهل الله اكبر يسقون من رحيق مختوم سبحان الله! يفجرونها تفجيرها وشف بقى الولدان
واللي قاعدين يطوفوا وده يلف وده يروح ومش عارف ايه لؤلؤة منثورا. من جمالهم وهم قاعدين يلفوا كده تحس ان في المعية كده
في - 00:27:33

في نور بيظفي ويقيد كده من جمال هؤلاء واعلى نعيم بقى في القصة كلها هي رؤية الله سبحانه وتعالى عشان كده بعض الناس
يقول لك ايه هو انا هيكون لي ايه؟ طب انا ممكن احصل؟ طب ما انا مش عارف ايه؟ بص يا حبيب قلبي - 00:27:58
رؤية الله هتتسبك كل حاجة بل كلامه سبحانه وتعالى عندما يقول آآ آآ هل رضيتم شف سبحان الله اللفظ ده اللهم سماعا لهذا اللفظ
هل رضيتم فيقولون وما لنا لا نرضى وقد ادخلتنا الجنة - 00:28:13

فيقول اليوم احل رضواني عليكم فلا اسخط ابدا. ياه! اللهم هذه اللهم من هذه احل عليكم رضواني ياه عشان كده يا جماعة يا بخت
الصحابة اه والله بان ربنا كأن الله سبحانه وتعالى قال لهم هذه الكلمة في الدنيا - 00:28:37
رضي الله عنهم ورضوا عنه رضي الله عنهم ورضوا عنه. ولذلك لازم تكون انت عندك حساسية عالية جدا. فاللي يجي يتكلم ناحية
الصحابة لا ازاي؟ ده دول اللي النتيجة بتاعتهم طالعة وخلصانة - 00:29:00

سبحان الله! عرفتم بقى ليه النبي صلى الله عليه وسلم كان دائما يذكر الصحابة بالجنة لان هي دي المحرك وهنشوف بقى اما كان
بيذكر لهم كده بقت هي دي المحرك عندهم. هي هي ورب الكعبة نور يتلأأ. وريحانة تهتز - 00:29:16
وقصر مشيد وفاكهة كثيرة حادي الارواح لبلاد الافراح. منزهة عن المنغصات خلاص لا يسمعون فيها لغوة. حتى اللغو مش هنسمعه ما
فيهاش غل كل ده خلاص لذلك كان النبي صلى الله عليه وسلم كلما وجد فرصة يذكركم على طول - 00:29:35

إذا رأى نعيما من نعيم الدنيا صرف ابصارهم على طول لنعيم الجنة ليعلق قلوبهم بها في يوم من الايام ماسكين كده ايه جايين حلة كانوا آآ يعني كانوا في غزوة - [00:29:57](#)

والصحابه رضي الله عنهم جايين وهما جايين لقوا ايه لقوا يعني حلة لواحد آآ كافر جميلة جدا لبس فجايينه للنبي صلى الله عليه وسلم من الغنائم وبيوروه له بقى فكل الصحابة بقى قاعدين يبصوا عليها وعجباهم اوي وبتاع. فالنبي صلى الله عليه وسلم كان سعد ابن معاذ مات - [00:30:13](#)

فيقول لهم النبي صلى الله عليه وسلم لمناديل سعت في الجنة خير من هذه. عارفين المناديل؟ المنديل طبيعته ان اللسان مش بيحفظ به صح؟ بيرمييه يعني النبي صلى الله عليه وسلم يقول لهم الحاجة اللي سعد مش مهتم بها في الجنة افضل من دي - [00:30:32](#)

سبحان الله ولزلك يقول لهم لا موضع صوت احدكم في الجنة. اللي له مكان العصاية في الجنة خير من الدنيا وما فيها فين كده الصحابة كانوا دايمًا يسألوا النبي صلى الله عليه وسلم اسئلة تفصيلية لدرجة ان في واحد يقول له يا رسول الله هو فيه زرع في الجنة؟ هو - [00:30:49](#)

في ابل هو في خيل وده هيجي معنا ان شاء الله الاحاديس دي كلها بالتفصيل. عشان كده النبي صلى الله عليه وسلم لما اشعل قلوب هؤلاء بالجنة اشتاقوا لها ربعة النبي صلى الله عليه وسلم يقول له يا ربعة سلني اسألني. يقول له نعم اسألك يا رسول الله. بس بعد بقى ما بربيعة عرف وشاف يقول له انا لي طلب - [00:31:12](#)

ايه هو الطلب؟ اسألك ومرافقتك في الجنة او غير ذلك الربيع؟ يقول له لا خلاص كأن ربيع يقول له يا رسول الله هو انا بعد ما اعرف اللي عرفته ده اسأل حاجة تحت؟ انتهى - [00:31:32](#)

قال له يا رسول الله اسألك مرافقتك في الجنة. عمير بن الحمام واقف في غزوة فالنبي صلى الله عليه وسلم وهم بياكلوا التمر وكده بيجهزوا انفسهم فالنبي صلى الله عليه وسلم يقول له ايه؟ يقول لهم ايه؟ قوموا الى جنة عرضها السماوات والارض. يعني يلا بقى خلاص وبتاع فيحفزهم. فعمير كان - [00:31:42](#)

ياكل تمر يروح عامل ايه؟ يروح مطلع التمر من بقه. ويقول ايه؟ انها لحياة طويلة. بخ بخ انها الجنة. ياه! يعني يقول ايه؟ الله طلق والله عال خلاص الجنة انا لسه هقعد واكل التمرتين دول ايه الحياة الطويلة ديت يلا - [00:32:07](#)

سبحان الله! كانوا خلاص يعني عندهم عشان كده بلال يقول آآ غدا القى الاحبة محمدا وحزبا سبحان الله وبيعة العقبة بيعة العقبة يقولوا يا رسول الله احنا عايزين نبايعك نبايعك على ان احنا ننفق في السراء والضراء والسمع والطاعة في المنشط والمكره وان نمنعك مما - [00:32:25](#)

امنع منه انفسنا ودراريننا اولادنا يعني. وان تأمر بالمعروف ونهى عن المنكر وان نقول الحق لا نخاف الله لومة لائم. كلام شديد جدا فيقولوا له كده يقولوا له يا رسول النبي صلى الله عليه وسلم يقولوا هم يقولوا له يا رسول الله اشترط لنفسك واشترط لربك ما شئت. فالنبي صلى الله عليه وسلم قال لهم الخمسة دول - [00:32:48](#)

تدافعوا عني تأمر بالمعروف وتنهى عن المنكر تنفقه في المنشط والمكره اصل بعض الناس ممكن ينفق كده في الليل وهو الدنيا رايقة معه لكن دي تيجي كورونا وبتاع لأ لأ حاسب وبتاع لأ في المنشط والمكره تنفق في السراء - [00:33:07](#)

او الضراء ما تقولش اصل انا نفسييتي فاصلة اليومين دول فمش هنزل اصلي في الجامع ما انت نفسييتك وهي فاصلة نزلت الشغل. اشمعني؟ المهم الخامسة وان تقولوا في الله لا تخافوا - [00:33:20](#)

لومة لائم. طبعا في الوقت ده ومحمد رقم واحد عالميا مطلوب. ييجي حد يبيايعه في الوقت ده فقالوا له ايه يا محمد هذا لك. فما لنا عارفين قال لهم ايه - [00:33:30](#)

هي كلمة واحدة قال لهم الجنة يقولوا له ده لك ايه اللي لنا؟ قال لهم الجنة قالوا امدد يدك نبايعك يا الجنة لأ اديني ايدك بقى هم كانوا عارفين يعني ايه جنة. احنا احيانا كده بنقول الجنة ديت بعضنا بيكون ايه؟ بسبب الافلام والافلام الكارتون وبسبب البرود

وبسبب الاشتباك مع - 00:33:42

الحياة المادية ليل نهار وبسبب الغشاوة التي موجودة على القلب وعلى العين والالغلة التي موجودة ديت بنشوف الجنة دي كانها ايه يعني حاجة كده ايه يعني يعني فيلا على بحر حاجة بسيطة يعني - 00:34:07

لا فعشان كده يعني كتير من الشباب يقول لي انا عاوز افوق شوية اقول له اقرأ في الدار الاخرة خاصة في نعيم الجنة وآآ و آآ ما اعدده الله سبحانه وتعالى لهم - 00:34:23

ليه يحركك بيداً تشوف ايه ده سبحانه الله! يا جماعة ابو الدحداح عنده ستميت نخلة ففي صراع كتير كبير جدا بين واحد من الانصار و غلام. واحد من الانصار ساكن جنب غلام انصاري اختلفوا ان ايه؟ على - 00:34:36

حدود. فالمهم فيه نخلة الولد الصغير اليتيم ده بيقول دي في ملكي. والانصاري بيقول له لأ مش في ملكك. فاحتكموا للنبي وقالوا يا رسول الله خليه يسيبها لي. فالصحابي رفض - 00:34:54

فمين اللي حضر المشهد ده ابو الدحداح؟ فقال له يا رسول الله ارأيت اذ اعطيته بستانني كله؟ هو النبي صلى الله عليه وسلم بيقول له ايه؟ اتركها له بيقول للانصاري - 00:35:04

اتركها اتركها للصبي ده ولك نخلة في الجنة فكأنه قال اعزني يا رسول الله. يعني ايه؟ سبحانه الله! كان الموضوع متوتر جدا، ويبدو ان هي سبحانه الله ما كانش ايه؟ حاضر جدا اه قلبه يعني - 00:35:14

مين اللي قاعد ابو الدحداح؟ عنده بستان قيل ان في ستميت نخلة يعمل ايه يا ابو ابو الدحداح؟ آآ طبعاً زمان التمر كان هو بترول العرب انا لو مكان يعني انا لو مكان ابو الدحداح وعایش اجواء رمضان وانا قاعد قدام الحجر الاسود وعلى يميني ماهر المعقلي وعلى شمالي وعلى شمالي - 00:35:27

الشريم وورانا الشيخ الحويني ممكن اقول ايه؟ انا اسيب له عشر نخلات يراهب الدحداحة داخل على النبي صلى الله عليه وسلم يقول له يا رسول الله ارأيت لو اعطيته بستانني - 00:35:48

يكون لي نخلة في الجنة فقال نعم. قال اشهدك انها له. ياه اشتراها اصل هو زكي هو قال لك ما انا لو خدت نخلة يبقى انا جوة خلاص انتهى. انا لي حاجة جوة خلاص لي ارض - 00:36:04

بشهادة النبي انا لي حاجة جوة. اما وقد بقى لي حاجة جوة فانا داخل داخل مسيحي هدخل. سبحانه الله! ذلك لما ان الله اشترى خلاص هم عارفين ان ربنا اشترى - 00:36:26

طيب لما الله سبحانه وتعالى يقول للمؤمنين ويزكر ليهم الشراء ده سبحانه الله! طيب هم يا رب رب العالمين لما هيبيعوا ان انت تقول ان الله اشترى من المؤمنين انفسهم واموالهم بان لهم الايه؟ الجنة. خلاص انا هاخذ نفسك وهاخذ مالك. لذلك كان السلف يقولوا -

00:36:38

وفي الاية دي كلمة جميلة جدا اختتم بها نفوس هو خالقها واموال هو رازقها يأخذها منا ويعطينا الجنة بخ بخ. والله لا نقيّل في هذه البيعة سبحانه الله! يقولوا ايه ايه هو ايه الجماعة ده! والله احنا ما اتظلمناش خالص. والله يبقى مغبون اللي ما يتاجر كرش بقى. اللي

مش يتاجر ده يبقى انسان بيهزر - 00:36:59

ده هو اللي خلقك وهو اللي اداك الفلوس. بيقول لك انا هاخدهم منك واديك الجنة اخدهم منك بمعنى ايه؟ انا اتحكم فيك. فنفسك دي اقول لك تمشي ازاي وتتكلم ازاي وتلبسي ازاي؟ وما تخضعيش بالقول وتقول ايه؟ وما تقوليش ايه - 00:37:25

هي ديت فكرتي النفس والمال المال ده ايه اللي يبقى لك واللي تطلعه صدقات واللي تطلعه ايه والانفاق واجب وان الزكاة بس هنقول لك كده نفوس هو خالقها واموال هو رازقها ياخذها منا ويعطينا الجنة بخ بخ - 00:37:41

نسأل الله سبحانه وتعالى ان يرزقنا واياكم من فضله. اقول قولي هذا واستغفر الله لي ولكم - 00:37:58